

**Bosna i Hercegovina
Brčko distrikt BiH
URED - KANCELARIJA ZA
PREVENCIJU KORUPCIJE I
KOORDINACIJU AKTIVNOSTI
NA SUZBIJANJU KORUPCIJE**



**Босна и Херцеговина
Брчко дистрикт БиХ
КАИЦЕЛАРИЈА-УРЕД ЗА
ПРЕВЕНЦИЈУ КОРУПЦИЈЕ И
КООРДНАЦИЈУ АКТИВНОСТИ
НА СУЗБИЈАЊУ КОРУПЦИЈЕ**

Trg Mladih broj 8 (zona IA), email: info@aktbd.ba
Трг Младих број 8 (зона IA), емаил: info@aktbd.ba

IZVJEŠTAJ O RADU
KANCELARIJE ZA PREVENCIJU KORUPCIJE I KOORDINACIJU
AKTIVNOSTI NA SUZBIJANJU KORUPCIJE U BRČKO DISTRIKTU BIH
za period 01.01-30.06.2023. godine

Brčko, decembar 2023. godine.

Na osnovu člana 12 Zakona o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“, broj: 25/18), Kancelarija za prevenciju korupcije i koordinaciju aktivnosti na suzbijanju korupcije u Brčko distriktu BiH podnosi Izvještaj o radu Skupštini Brčko distrikta BiH, a prije razmatranja na Skupštini izvještaj se dostavlja Vladi Brčko distrikta BiH na izjašnjenje.

IZVJEŠTAJ O RADU
KANCELARIJE ZA PREVENCIJU KORUPCIJE I KOORDINACIJU AKTIVNOSTI NA
SUZBIJANJU KORUPCIJE U BRČKO DISTRIKTU BIH
za period 01.01-30.06.2023. godine

UVODNE NAPOMENE

Shodno članu 12 stav (3) Zakona o Kancelariji za prevenciju korupcije i koordinaciju aktivnosti na suzbijanju korupcije, Kancelarija za prevenciju korupcije i koordinaciju aktivnosti na suzbijanju korupcije (u daljem tekstu: Kancelarija) podnosi Vladi Brčko distrikta BiH Izvještaj na izjašnjenje, a s ciljem da predstavi i prikaže aktivnosti u proteklom periodu.

Članom 9 Zakona o Kancelariji za prevenciju korupcije i koordinaciju aktivnosti na suzbijanju korupcije propisane su sljedeće nadležnosti:

- izrada Strategije za borbu protiv korupcije u Distriktu (u daljem tekstu: Strategija), kao i izrada Akcionog plana za sprovođenje Strategije (u daljem tekstu: Akcioni plan) u skladu s opštim principima utvrđenim u državnoj Strategiji za borbu protiv korupcije;
- koordinacija i nadzor nad sprovođenjem Strategije i Akcionog plana, te davanje mišljenja i instrukcija o pitanju njihovog sprovođenja;
- koordiniranje rada organa javne uprave, institucija, javnih preduzeća, javnih ustanova i drugih pravnih lica koja je osnovao Distrikt, pravnih lica i preduzetnika u sprečavanju korupcije i obavještanje nadležnih institucija o zatečenom stanju, kao i preuzimanje ostalih neophodnih mjera u skladu sa zakonom;
- postupanje po zaprimljenim podnescima s indicijama koruptivnog ponašanja u skladu s važećim propisima;
- ukazivanje predlagaču i Skupštini na postojanje odredbi u nacrtima ili prijedlozima zakona, podzakonskih i opštih akata koje bi u primjeni mogle da izazovu koruptivne radnje. Identifikovanje mogućih pojava korupcije koje dopušta sprovođenje postojećih zakona, podzakonskih i opštih akata, te u vezi s tim iniciranje aktivnosti na njihovim izmjenama i dopunama u svrhu prevencije koruptivnih radnji;
- uspostavljanje i vođenje baze podataka prikupljenih u skladu s ovim zakonom;
- saradnja s Agencijom za prevenciju korupcije i koordinaciju borbe protiv korupcije i institucijama Bosne i Hercegovine i dostavljanje potrebnih podataka i informacija samoinicijativno ili po zahtjevu Agencije, kao i saradnja s entitetskim i kantonalnim nadležnim organima i institucijama, da bi se osiguralo pravovremeno i efikasno sprovođenje koordiniranih politika za borbu protiv korupcije;
- poslovi zaštite lica koja prijavljuju korupciju u skladu sa Zakonom o zaštiti lica koja prijavljuju korupciju;
- donošenje jedinstvene metodologije i smjernica za izradu planova integriteta u skladu s državnim Smjernicama i Metodologijom za izradu plana integriteta i pružanje pomoći svim organima i institucijama Distrikta u njihovoj realizaciji;
- donošenje jedinstvenih smjernica za izradu planova borbe protiv korupcije i pružanje pomoći svim organima i institucijama Distrikta u njihovoj realizaciji;
- javno objavljivanje informacija o stanju korupcije;

- saradnja s domaćim naučnim i stručnim organizacijama, medijima i nevladinim organizacijama o pitanju prevencije korupcije i
- drugi poslovi propisani posebnim zakonom.

U Pravilniku o unutrašnjoj organizaciji Kancelarije za prevenciju korupcije i koordinaciju aktivnosti na suzbijanju korupcije (u daljem tekstu: Pravilnik) propisano je da se Kancelarija sastoji od tri (3) organizacione jedinice:

- Sektor za prevenciju korupcije,
- Sektor za koordinaciju aktivnosti na suzbijanju korupcije i
- Služba za pravne, kadrovske, opšte i finansijsko-materijalne poslove.

Takođe je istim Pravilnikom propisano da je u sklopu Kancelarije sistematizovano 10 (deset) radnih mjesta od kojih su 3 (tri) lica imenovana na mandatni period, dok je 7 (sedam) službeničkih radnih mjesta.

SMJEŠTAJ, MATERIJALNO – TEHNIČKO OPREMANJE, BUDŽET, JAVNE NABAVKE, OPŠTI POSLOVI

Dana 25.01.2023. godine potpisan je Zapisnik o uvođenju u posjed broj: 22-001909/21 na osnovu kojeg se sprovedla Odluka o dodjeli poslovnih prostorija na korišćenje, broj predmeta: 22-001909/21, broj akta: 01.1-1413EK-007/21 od 08.09.2021. godine između Brčko distrikta BiH kao Davaoca sa jedne strane i Kancelarije sa druge strane, kao korisnika usluge. Nakon potpisanog zapisnika, izvršeno je preseljenje u dodijeljene prostorije, koje se nalaze na adresi Trg mladih broj 8 (Zona Ia) ukupne površine 99,36 m² i 44 m² zajedničkog prostora (hodnik i sanitarni čvor). Ulaskom u dodijeljene prostorije Kancelarija je započela realizaciju svih neophodnih radnji kako bi se iste dodatno opremile i osposobile za daljnji rad.

Članom 6 stav (2) Zakona o Kancelariji za prevenciju korupcije i koordinaciju aktivnosti na suzbijanju korupcije propisano je da se Kancelarija finansira iz budžeta Distrikta. U budžetu Brčko distrikta BiH za 2023. godinu, Kancelariji je odobreno na raspolaganje ukupno 503.329,06 KM budžetskih sredstava.

U skladu sa usvojenim Planom nabavke za 2023. godinu i Zakonom o javnim nabavkama („Službeni glasnik BiH“, broj: 39/14 i 59/22) Kancelarija je tokom posmatranog perioda pokrenula sljedeće postupke javne nabavke:

- nabavku usluge kasko osiguranja;
- nabavku usluga poštanskog saobraćaja;
- nabavku pristupa za praćenje propisa u elektronskoj formi kroz pravnu bazu podataka;
- nabavku usluga objave obavještenja o nabavci roba, usluga i radova o poništenju postupka javne nabavke i o dodjeli ugovora u Službenom listu;
- nabavku usluga interneta;
- nabavku telekomunikacijskih usluga fiksne telefonije – telefonski priključci;
- nabavku usluga čišćenja;
- nabavku i ugradnju telefonske centrale i telefona;
- nabavku prijemnog štambilja i
- nabavku kancelarijskog namještaja.

Tokom posmatranog perioda, a na osnovu potpisanih Okvirnih sporazuma Kancelarija je vršila i sljedeće nabavke:

- nabavku kancelarijskog materijala;
- nabavku štampanog materijala;

- nabavku tonera;
- nabavku higijenskog materijala i
- nabavku usluge kolektivnog osiguranja zaposlenih.

Nabavka usluge reprezentacije, nabavka usluge stručnog usavršavanja kao i nabavka hotelskog smještaja realizovane su u skladu sa iskazanim potrebama, a na osnovu donesenih Odluka o pokretanju postupka javne nabavke za 2023. godinu.

Kancelarija je u izvještajnom periodu uputila Skupštini Brčko distrikta BiH (Stručnoj službi i Komisiji za borbu protiv korupcije) Incijativu za stavljanje u proceduru usaglašenog teksta novog Zakona o Kancelariji za prevenciju korupcije i koordinaciju aktivnosti na suzbijanju korupcije broj predmeta: 02-19-13/23 od 18.01.2023. godine. Takođe je blagovremeno izradila radnu verziju Trogodišnjeg plana rada Kancelarije za prevenciju korupcije i koordinaciju aktivnosti na suzbijanju korupcije za period 2024–2026. godina kao i prijedlog Dokumenta okvirnog budžeta Kancelarije za period 2024-2026. godina.

Nakon uspostavljenog sistema finansijskog upravljanja i kontrole, nastavljena je dobra saradnja sa Centralnom harmonizacijskom jedinicom Direkcije za finansije Brčko distrikta BiH, kojoj je dostavljena i Izjava o fiskalnoj odgovornosti za 2022. godinu. Kancelarija je izradila Izveštaj o radu Kancelarije za prevenciju korupcije i koordinaciju aktivnosti na suzbijanju korupcije za 2022. godinu, koji je dana 11.05.2023. godine uputila Vladi Brčko distrikta BiH na izjašnjenje. Nastavljena je i saradnja sa Kancelarijom za reviziju organa javne uprave i institucija u Brčko distriktu BiH, s obzirom da je tokom 2022. godine, započeta prva predrevizija, odnosno revizija poslovanja Kancelarije za navedenu godinu. U izvještajnom periodu zaposlenici Kancelarije su učestvovali na seminarima kao i na drugoj stručnoj konferenciji o javnim nabavkama u BiH, kako bi se edukovali i upoznali sa primjerima iz prakse koji su uslijedili nakon stupanja na snagu Zakona o izmjenama i dopunama Zakona o javnim nabavkama.

U prvom kvartalu 2023. godine puštena je u upotrebu i zvanična web stranica Kancelarije www.aktbd.ba što je jedan korak naprijed prema upoznavanju šire javnosti sa radom Kancelarije kao i omogućavanju pristupa lakše komunikacije sa građanima, ali i sa drugim organima i insitucijama. Tokom obavljanja svojih redovnih poslova i aktivnosti Kancelarija je donosila rješenja, odluke, ovlaštenja, zaključke i druge opšte i pojedinačne akte u skladu sa Zakonom o Kancelariji za prevenciju korupcije i koordinaciju aktivnosti na suzbijanju korupcije i drugim zakonima Brčko distrikta BiH.

U prvoj polovini 2023. godine Kancelarija je imenovala radne grupe kako bi se izradili akti neophodni za njen dalji rad. S tim u vezi, donesene su sljedeće odluke: Odluka o izradi plana integriteta broj predmeta: 05-19-18/23 od 24.01.2023. godine; Odluka o imenovanju radne grupe za izradu jedinstvene liste kategorija registraturskog materijala sa rokovima čuvanja broj predmeta: 05-19-42/23 od 17.02.2023. godine i Odluka o izmjeni Odluke o imenovanju radne grupe za izradu jedinstvene liste kategorija registraturskog materijala sa rokovima čuvanja broj predmeta: 05-19-42/23 od 17.05.2023. godine te Odluka o imenovanju radne grupe za izradu Pravilnika o unutrašnjoj organizaciji i sistematizaciji radnih mjesta u Kancelariji za prevenciju korupcije i koordinaciju aktivnosti na suzbijanju korupcije u Brčko distriktu BiH broj predmeta: 33-19-46/23 od 21.02.2023. godine. Kancelarija je donijela i Odluku o načinu korišćenja, tehničkom održavanju i upotrebi službenih vozila broj predmeta: 48-19-20/23 od 26.01.2023. godine, Odluku o WEB stranici Kancelarije za prevenciju korupcije i koordinaciju aktivnosti na suzbijanju korupcije u Brčko distriktu BiH broj predmeta: 05-19-81/23 od 23.03.2023. godine kao i Odluku o usvajanju i sprovođenju plana integriteta u Kancelariji za prevenciju korupcije i koordinaciju aktivnosti na suzbijanju korupcije u Brčko distriktu Bosne i Hercegovine broj predmeta: 05-19-18/23 od 09.05.2023. godine.

KADROVSKO POPUNJAVANJE

Donošenjem Odluke o imenovanju radne grupe za izradu Pravilnika o unutrašnjoj organizaciji u Kancelariji za prevenciju korupcije i koordinaciju aktivnosti na suzbijanju korupcije u Brčko distriktu BiH, broj: 33-19-46/23 od dana 21.02.2023. godine, imenovana je radna grupa za izradu novog Pravilnika o unutrašnjoj organizaciji u Kancelariji za prevenciju korupcije i koordinaciju aktivnosti na suzbijanju korupcije u Brčko distriktu BiH. Zadatak radne grupe je bila izrada predmetnog Pravilnika. Važeći Pravilnik o unutrašnjoj organizaciji u Kancelariji, broj predmeta: 05-000565/18, broj akta: 01.11-1161DS-026/18 donijela je Vlada Brčko distrikta BiH, na prijedlog gradonačelnika Brčko distrikta BiH, dana 17.12.2018. godine, a Pravilnik je pretrpio jednu izmjenu i to 10.07.2019. godine. Izmjena Pravilnika se ticala usklađivanja platnih razreda zaposlenih u Kancelariji sa Zakonom o platama i naknadama u organima javne uprave i institucijama Brčko distrikta BiH. Kancelarija je u punom kapacitetu počela sa radom dana 23.05.2022. godine, kada su popunjene sve pozicije propisane važećim Pravilnikom o unutrašnjoj organizaciji u Kancelariji. S obzirom da su u radu Kancelarije primijećeni određeni nedostaci važećeg Pravilnika, kao i postojanje potrebe da se sistematizuju dodatna radna mjesta radi kvalitetnijeg i efikasnijeg obavljanja poslova iz nadležnosti Kancelarije, pristupilo se izradi novog Pravilnika. U novom Pravilniku ispravljani su uočeni nedostaci na način da su ispravljene tehničke greške, suvišni članovi obrisani, a odredbe koji se tiču izrade planova rada i izvještaja Kancelarije, usklađene s pozitivnopravnim propisima Brčko distrikta BiH. S obzirom da za pojedine poslove iz nadležnosti Kancelarije nisu bila sistematizovana radna mjesta, uočena je potreba i za kadrovskim popunjavanjem na pozicijama: 1. Viši stručni saradnik za izradu politika, akcionih planova, planova integriteta i planova borbe protiv korupcije u Sektoru za prevenciju korupcije; 2. Viši stručni saradnik za informacione tehnologije u Sektoru za koordinaciju aktivnosti na suzbijanju korupcije; 3. Vozač u Službi za pravne, kadrovske, opšte i finansijsko-materijalne poslove; 4. Tehnički sekretar u Službi za pravne, kadrovske, opšte i finansijsko-materijalne poslove.

PRIKUPLJANJE I ANALIZIRANJE STATISTIČKIH I DRUGIH PODATAKA

Članom 4 stav (1) tačka a) Pravilnika o unutaršnjoj organizaciji u Kancelariji definisani su poslovi prikupljanja i analiziranja statističkih i drugih podataka. Kancelarija je u izvještajnom periodu kontinuirano radila na prikupljanju i analiziranju statističkih i drugih podataka u vezi s prevencijom korupcije.

IZRADA STRATEGIJE ZA BORBU PROTIV KORUPCIJE U BRČKO DISTRIKTU BiH I AKCIONOG PLANA ZA SPROVOĐENJE STRATEGIJE

Vlada Brčko distrikta BiH je dana 05.10.2022. godine donijela Odluku o usvajanju Strategije za borbu protiv korupcije u Brčko distriktu BiH 2022-2024. godina, broj predmeta: 48-000615/22, broj akta: 01.11-0377MB-002/22 i Odluku o usvajanju Akcionog plana za sprovođenje Strategije za borbu protiv korupcije u Brčko distriktu BiH 2022-2024. godina, broj predmeta: 48-000615/22, broj akta: 01.11-0377MB-003/22. Pomenute Odluke Vlade Brčko distrikta BiH i strateški dokumenti Kancelarije objavljeni su dana 01.12.2022. godine u Službenom glasniku Brčko distrikta BiH, pod brojem 43/22, o čemu su sve institucije Brčko distrikta BiH informisane Obavještenjem, broj predmeta: 48-19-0070/22, broj akta: 04/22 od 05.12.2022. godine, a kako bi iste izvršile uvid u strateške dokumente i provjerile da li su u nekoj od aktivnosti predviđene kao provodioci.

Strategija za borbu protiv korupcije u Brčko distriktu BiH 2022–2024. godina, kao opšti okvir za borbu protiv korupcije u Brčko distriktu BiH obuhvata ciljeve i mjere koje su značajne i mogu se primjenjivati u borbi protiv korupcije.

Strateški ciljevi koji se u Brčko distriktu BiH trebaju postići sprovođenjem Strategije jesu prevencija korupcije; suzbijanje korupcije; razvijanje svijesti o štetnosti korupcije i saradnja s civilnim društvom, te koordinacija, monitoring i evaluacija antikoruptivnih aktivnosti. Svaki od strateških ciljeva sadrži strateške programe koji određuju prioritetne oblasti u kojima treba djelovati, a u okviru svakog strateškog programa definisane su aktivnosti.

Strategiju prati Akcioni plan za sprovođenje Strategije za borbu protiv korupcije u Brčko distriktu BiH 2022-2024. godina koji sadrži konkretne mjere i aktivnosti za realizovanje strateških ciljeva, očekivane rezultate, indikatore uspješnosti ostvarivanja aktivnosti koje su planirane, nosioce sprovođenja aktivnosti i na kraju rokove za realizovanje aktivnosti. Akcioni plan sprovodi strateške programe i aktivnosti utvrđene za svaki strateški cilj u specifične, vremenski određene i isplanirane aktivnosti koje uzimaju u obzir okolnosti i prioritete. Akcioni plan za sprovođenje Strategije za borbu protiv korupcije u Brčko distriktu BiH 2022-2024. godina sadrži ukupno 124 aktivnosti. U prvoj godini predviđeno je 25 aktivnosti, u drugoj godini predviđeno je 38 aktivnosti, u trećoj godini predviđeno je 5 aktivnosti, dok je u cjelokupnom periodu primjene Akcionog plana predviđeno i 56 kontinuiranih aktivnosti.

Pored 7 realizovanih aktivnosti iz prve godine, Kancelarija je u prvoj polovini 2023. godine realizovala još 11 aktivnosti iz Akcionog plana za sprovođenje Strategije za borbu protiv korupcije u BiH 2022-2024. godina u kojima se pojavljuje kao provodilac i to: 1.1.1.3. Na osnovu provedenih analiza predložiti Skupštini Brčko distrikta BiH izmjene i dopune donesenih zakona; 1.1.4.3. Usvajanje i javno objavljivanje planova javnih nabavki svih institucija s javnim ovlaštenjima; 2.2.3.2. Podsticanje aktivnosti na potpisivanju memoranduma o saradnji s Tužilaštvom i drugim tijelima u otkrivanju koruptivnih radnji; 3.1.2.1. Unaprijediti i jačati saradnju s organizacijama civilnog društva (OCD), udruženjima novinara i medijima u cilju borbe protiv korupcije; 3.2.1.1. Izrada web stranice Kancelarije; 3.2.1.2. Sprovođenje javne kampanje borbe protiv korupcije na web stranici Kancelarije; 3.3.2.1. Stvaranje i unaprjeđenje permanentnih kanala komunikacije i saradnje s OCD-om; 4.2.1.3. Donijeti Plan integriteta; 4.4.1.1. Održavanje redovnih sastanaka i obuka s APIK-om i drugim antikoruptivnim tijelima; 4.4.1.2. Razmjena pozitivnih iskustava s drugim specijalizovanim tijelima za borbu protiv korupcije u BiH; 4.4.2.1. Jačanje saradnje Kancelarije s Tužilaštvom Brčko distrikta BiH i Policijom Brčko distrikta BiH, te Komisijom za borbu protiv korupcije Brčko distrikta BiH na polju sprječavanja korupcije.

KOORDINACIJA POLITIKA PREVENCIJE KORUPCIJE I SARADNJA S AGENCIJOM ZA PREVENCIJU KORUPCIJE I KOORDINACIJU AKTIVNOSTI NA SUZBIJANJU KORUPCIJE BiH I ENTITETSKIM TIJELIMA U OVOJ OBLASTI

U skladu sa članom 9 stav (1) tačka g) Zakona o Kancelariji za prevenciju korupcije i koordinaciju aktivnosti na suzbijanju korupcije definisana je nadležnost Kancelarije u pogledu saradnje s Agencijom za prevenciju korupcije i koordinaciju borbe protiv korupcije i institucijama Bosne i Hercegovine (u daljem tekstu: APIK), kao i saradnja s entitetskim i kantonalnim nadležnim tijelima i institucijama, u cilju osiguranja pravovremenog i efikasnog sprovođenja koordiniranih politika za borbu protiv korupcije.

U pogledu koordinacije politika prevencije korupcije i saradnji s APIK-om, u skladu sa državnim Smjernicama i Metodologijom za izradu plana integriteta, Kancelarija je izradila Jedinstvenu metodologiju i smjernice za izradu i sprovođenje planova integriteta u organima javne uprave i institucijama Brčko distrikta BiH, kao nastavak aktivnosti samoprocjene organa javne uprave/institucija na uticaj korupcije, a koje je u periodu prije osnivanja Kancelarije provodio APIK. Prema Jedinstvenoj metodologiji i Smjernicama za izradu i sprovođenje planova integriteta u organima javne uprave i institucijama Brčko distrikta BiH, organi javne uprave i institucije Brčko distrikta BiH dostavljaju Odluku o izradi plana integriteta i Odluku o usvajanju i sprovođenju plana integriteta kako Kancelariji, tako i APIK-u, a Kancelarija ima obavezu najmanje jednom godišnje podnijeti izvještaj APIK-u o organima javne uprave i institucijama Brčko distrikta BiH koje su izradile i usvojile planove integriteta.

U izvještajnom periodu, ukupno 11 organa javne uprave i institucija Brčko distrikta BiH imalo je izrađene i usvojene planove integriteta.

UKAZIVANJE RELEVANTNIM INSTITUCIJAMA NA POSTOJANJE ODREDBI U NACRTIMA ILI PRIJEDLOZIMA ZAKONA, PODZAKONSKIH I OPŠTIH AKATA KOJE BI U PRIMJENI MOGLE IZAZVATI KORUPTIVNE RADNJE

U skladu sa članom 9 stav (1) tačka e) Zakona o Kancelariji za prevenciju korupcije i koordinaciju aktivnosti na suzbijanju korupcije Kancelarija je nadležna ukazivati predlagачu i Skupštini Brčko distrikta BiH na postojanje odredbi u nacrtima ili prijedlozima zakona, podzakonskih i opštih akata koje bi u primjeni mogle izazvati koruptivne radnje.

Kancelarija je u izvještajnom periodu dala ukupno 13 mišljenja na nacрте/prijedloge zakona, podzakonskih i opštih akata.

Hronološkim redom, Kancelarija je u izvještajnom periodu dala 12 mišljenja na nacрте sljedećih zakona:

- Nacrt Zakona o izmjenama Zakona o zdravstvenoj zaštiti u Brčko distriktu BiH;
- Nacrt Zakona o dopuni Zakona o javnoj upravi Brčko distrikta BiH;
- Nacrt Zakona o izmjenama i dopunama Zakona o dječijoj zaštiti Brčko distrikta BiH;
- Nacrt Zakona o dopuni Zakona o javnoj upravi Brčko distrikta BiH;
- Nacrt Zakona o izmjenama i dopunama Zakona o zapošljavanju i pravima za vrijeme nezaposlenosti;
- Nacrt Zakona o izmjeni i dopuni Zakona o premjeru i katastru nekretnina u Brčko distriktu BiH;
- Nacrt Zakona o izmjenama i dopunama Zakona o zapošljavanju i pravima za vrijeme nezaposlenosti;
- Nacrt Zakona o izmjenama i dopunama Zakona o platama i naknadama zaposlenih u Policiji Brčko distrikta BiH;
- Nacrt Zakona o izmjenama i dopunama Zakona o platama i naknadama u organima javne uprave i institucijama Brčko distrikta BiH;
- Nacrt Zakona o izmjenama i dopunama Zakona o platama i naknadama zaposlenih u Pravosuđu Brčko distrikta BiH;
- Nacrt Zakona o izmjenama i dopunama Zakona o platama i naknadama korisnika budžetskih sredstava u Skupštini Brčko distrikta BiH, Izornoj Komisiji Brčko distrikta BiH i Kancelariji za reviziju javne uprave i institucija u Brčko distriktu BiH;
- Nacrt Zakona o izmjeni i dopuni Zakona o putevima Brčko distrikta BiH.

Takođe, Kancelarija je u izvještajnom periodu dala mišljenje na Nacrt Pravilnika o službenoj legitimaciji i znački službenika s posebnim ovlaštenjima u Direkciji za finansije Brčko distrikta Bosne i Hercegovine – Poreska uprava.

Pored naprijed navedenog, Kancelarija je u izvještajnom periodu dostavila odgovore organima javne uprave vezano za dostavljene prednacрте zakona i podzakonskih i opštih akata i to: Odjeljenju za javni registar na obrazac za provođenje skraćene procjene uticaja propisa za izradu Nacrta Zakona o komasaciji u Brčko distriktu BiH, Odjeljenju za poljoprivredu, šumarstvo i vodoprivredu na obrazac za provođenje skraćene procjene uticaja propisa za izradu Nacrta Zakona o poljoprivrednom zemljištu Brčko distrikta Bosne i Hercegovine, Odjeljenju za raseljena lica, izbjeglice i stambena pitanja na Prednacrt Odluke o odobravanju plana sigurnosti ličnih podataka u Odjeljenju za raseljena lica, izbjeglice i stambena pitanja, te Odjeljenju za zdravstvo i ostale usluge na Prednacrt Pravilnika o izmjenama i dopunama Pravilnika o pripravnničkom stažu i polaganju stručnog ispita zdravstvenih radnika i zdravstvenih saradnika.

PRIJAVE SA INDICIJAMA KORUPTIVNOG PONAŠANJA

Članom 9 stavom (1) tačkom d) Zakona o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“, broj: 25/18) propisano je da je jedna od nadležnosti Kancelarije postupanje po zaprimljenim podnescima s indicijama koruptivnog ponašanja u skladu s važećim propisima.

Citiranom zakonskom odredbom nije propisan način postupanja Kancelarije po prijavama, te se ukazala potreba za donošenjem podzakonskog akta kojim će se propisati način postupanja Kancelarije po prijavama sa indicijama koruptivnog ponašanja. U skladu sa navedenim, Kancelarija je dana 27.04.2023. godine donijela Instrukciju o postupanju po zaprimljenim podnescima sa indicijama koruptivnog ponašanja, broj predmeta: 05-19-118/23, broj akta: 1/23 (u daljem tekstu: Instrukcija). Instrukcijom se utvrđuju pravila postupanja Kancelarije po zaprimljenim prijavama sa indicijama koruptivnog ponašanja, načini podnošenja prijave, sadržaj prijave, postupanje Kancelarije po prijavama, postupanje po anonimnim prijavama, te postupanje po službenoj dužnosti. Pored redovnih načina podnošenja prijave lično i putem pošte, Instrukcijom je uvedena mogućnost podnošenja prijave na službenoj web stranici Kancelarije. Ova mogućnost je i implementirana na web stranicu Kancelarije, tako da svi zainteresovani mogu podnijeti prijavu Kancelariji putem dugmeta „*prijavi korupciju*“.

Način postupanja po prijavama

Što se tiče samog postupanja po prijavama, Kancelarija nakon zaprimanja prijave prvo utvrđuje da li zaprimljena prijava sadrži dovoljno elemenata da bi se po njoj moglo postupiti. Ukoliko prijava ne sadrži dovoljno elemenata da bi se po njoj moglo postupiti, Kancelarija poziva podnosioca da u roku od 8 dana, prijavu dopuni. Ukoliko podnosilac prijave ne postupi po pozivu Kancelarije, smatra se da prijava nije ni podnesena.

Ukoliko prijava sadrži dovoljno elemenata da bi se moglo po njoj postupiti, Kancelarija pokreće postupak provjere radi utvrđivanja osnovanosti navoda iz prijave. Postupak provjere obuhvata prikupljanje relevantnih podataka, informacija, izvještaja i dokumentacije, uvid u javne registre i baze podataka, kao i relevantne pravne propise, te u konačnici obavještavanje nadležnih organa i institucija o uočenim koruptivnim radnjama. Ukoliko nakon provedenog postupka provjere Kancelarija procijeni da su navodi iz prijave osnovani, o svemu će obavjestiti nadležni organ s ciljem utvrđivanja individualne ili druge odgovornosti. Ukoliko nakon provedenog postupka provjere Kancelarija procijeni da u konkretnom slučaju ne postoji dovoljno podataka koji ukazuju na koruptivne aktivnosti ili druge nepravilnosti, takva prijava će se tretirati kao neosnovana. Ukoliko je zaprimljena prijava označena kao krivična prijava ili je u istoj data kvalifikacija krivičnog djela, takva prijava se bez odlaganja dostavlja nadležnom policijskom organu ili tužilaštvu.

U periodu od 01.01.2023. godine do 30.06.2023. godine, Kancelarija je zaprimila ukupno 32 (trideset i dvije) prijave sa indicijama koruptivnog ponašanja. Poređenjem broja zaprimljenih prijava u izvještajnom periodu sa brojem zaprimljenih prijava u periodu od 01.01.2022. godine do 30.06.2022. godine, vidljivo je da je u prvoj polovini 2023. godine zaprimljeno 10 prijava više nego u istom periodu 2022. godine. Kancelarija je postupila po svim zaprimljenim podnescima sa indicijama koruptivnog ponašanja.

Shodno navedenom, Kancelarija je sve prijave zaprimljene u izvještajnom periodu obradila i analizirala, nakon čega se pristupilo utvrđivanju da li prijave sadrže dovoljno elemenata da bi se po njima moglo postupiti. Kancelarija je utvrdila da je šest zaprimljenih prijava nepotpuno, te su upućeni pozivi podnosiocima prijave da iste dopune, kako bi se po njima moglo postupiti. S obzirom da podnosioci nisu postupili po pozivu Kancelarije i dopunili podnesene prijave, Kancelarija je iste odbacila kao nepotpune.

Što se tiče ostalih prijava, Kancelarija je postupila po svim zaprimljenim prijavama, te je uputila zahtjev za dostavljanje informacija institucijama odnosno licima na koja se prijave odnose. Na taj način prikupljene su informacije i relevantna dokumentacija za dalje postupanje po predmetima.

17 (sedamnaest) prijava je zajedno sa prikupljenim informacijama i materijalnom dokumentacijom, prosljeđeno Policiji Brčko distrikta BiH, odnosno Tužilaštvu Brčko distrikta BiH na postupanje. Pomenuti organi redovno obavještavaju Kancelariju o statusu prijava dostavljenih od strane Kancelarije. Dvije prijave su Kancelariji dostavljene u formi upita, pri čemu se od Kancelarije tražilo da istraži određene stvari i dostavi odgovor podnosiocu prijave. U pomenutim slučajevima to je i učinjeno, te je Kancelarija blagovremeno dostavila odgovore podnosiocima.

Četiri prijave su rješanjem Kancelarije odbijene kao neosnovane, s obzirom da je na osnovu prikupljenih informacija utvrđeno da ne postoji dovoljno podataka koji ukazuju na koruptivne aktivnosti ili druge nepravilnosti.

Ostali predmeti su i dalje u proceduri.

Pored navedenih prijava, Kancelarija je u izvještajnom periodu postupala i po prijavama iz 2022. godine, koje nisu završene u 2022. godini.

Treba naglasiti dobru saradnju Kancelarije sa organima i institucijama Brčko distrikta BiH, koji uredno dostavljaju Kancelariji tražene informacije. Pored toga, Kancelarija je ostvarila dobru saradnju sa Policijom Brčko distrikta BiH i sa Tužilaštvom Brčko distrikta BiH u pogledu dostavljanja prijava i postupanja po istim od strane navedenih institucija.


Postupanje Kancelarije po prijavama u izvještajnom periodu opisano je u Tabeli broj 1.

Tabela broj 1 - Tabelarni pregled zaprimljenih prijava u periodu od 01.01.2023. godine do 30.06.2023. godine

| Zaprimljene prijave u periodu od 01.06.2023. godine do 30.06.2023. godine | |
|--|-----------|
| Broj zaprimljenih prijava | 32 |
| Broj poslanih upita | 45 |
| Broj zaprimljenih odgovora | 45 |
| Broj predmeta upućenih nadležnim organima na postupanje | 17 |
| Broj prijava koje su odbačene kao nepotpune | 6 |
| Broj prijava koje su odbijene kao neosnovane | 4 |
| Broj predmeta koji su i dalje u proceduri | 3 |

U izvještajnom periodu Kancelarija je zaprimila 16 (šesnaest) prijava koje se odnose na organe javne uprave, dvije prijave koje se odnose na nevladine organizacije, deset prijava koje se odnose na javna preduzeća i četiri prijave koje se odnose na zavode, fondove i ustanove, a kako je prikazano u grafičkom prikazu.

Grafički prikaz prijava zaprimljenih u periodu od 01.01.2023. godine do 30.06.2023. godine po subjektima na koje se odnose



ZAŠTITA LICA KOJA PRIJAVLJUJU KORUPCIJU

Skupština Brčko distrikta BiH je 2018. godine usvojila Zakon o zaštiti lica koja prijavljuju korupciju („Službeni glasnik Brčko distrikta BiH“, broj: 25/18), kojim je uređen status lica koje prijavljuju korupciju u organima javne uprave i institucijama Brčko distrikta Bosne i Hercegovine, javnim preduzećima, javnim ustanovama, fondovima i drugim pravnim licima koje je osnovao Brčko distrikt Bosne i Hercegovine, pravnim licima i samostalnim preduzetnicima, postupak prijavljivanja, obaveze organa javne uprave, institucija i drugih pravnih lica koje je osnovao Distrikt, pravnih lica i preduzetnika u vezi sa prijavljivanjem korupcije, postupak zaštite lica koje prijavljuju korupciju, te propisuje sankcije za povrede odredbi ovog zakona.

Što se tiče procedure odlučivanja o zahtjevu za dodjelu statusa zviždača Kancelarija postupa tako što dodjeljuje status zviždača podnosiocu zahtjeva u skladu sa članom 7 stavom (1) Zakona o zaštiti lica koja prijavljuju korupciju kojim je propisano da će Kancelarija na osnovu prijave podnesene u dobroj vjeri dodjeliti status zviždača licu koje je podnijelo prijavu, u roku od 30 dana od dana obraćanja Kancelariji, bez obzira da li su štetne radnje nastupile ili se samo sumnja da bi se mogle dogoditi. Status zviždača dodjeljuje se samo podnosiocu zahjeva koji je ranije podnio prijavu zbog sumnje ili okolnosti na postojanje korupcije, a zaštićeno prijavljivanje teče od dana podnošenja takve prijave u skladu sa članom 7 stavom (2) Zakona o zaštiti lica koje prijavljuju korupciju.

Kancelarija će u skladu sa članom 9 stavom (1) Zakona o zaštiti lica koje prijavljuju korupciju obustaviti pružanje zaštite zviždaču, donošenjem odluke o obustavi pružanja zaštite zviždaču, ako se tokom postupka koji vodi Kancelarija dokaže da lice kojem je dodjeljen status zviždača prilikom podnošenja prijave zbog sumnje ili okolnosti na postojanje korupcije nije postupilo u dobroj vjeri. Ukoliko se otkrije da je zviždač svjesno podnio lažnu prijavu o koruptivnom ponašanju Kancelarija će, ukoliko utvrdi da ova radnja sadrži elemente krivičnog djela, podnijeti krivičnu prijavu protiv ovog lica.

U izvještajnom periodu jedan zviždač je obavijestio Kancelariju da je prema njemu preduzeta štetna radnja propisana članom 2 stavom (1) tačka e) Zakona o zaštiti lica koje prijavljuju korupciju.

Na osnovu pomenutog obavještenja, Kancelarija je zatražila relevantnu dokumentaciju od poslodavca kako bi utvrdila da li je prema zviždaču preduzeta neka od štetnih radnji, a koja je u vezi sa podnošenjem prijave iz člana 3 stava (1) pomenutog Zakona. Na osnovu dostavljene dokumentacije, Kancelarija je utvrdila da je prema zviždaču preduzeta štetna radnja, te je u skladu sa članom 8 stavom (2) Zakona o zaštiti lica koja prijavljuju korupciju donijela Instrukciju o otklanjanju štetne radnje, kako bi se otklonila štetna posljedica nanesena zviždaču. Poslodavac je otklonio štetnu radnju postupivši po Instrukciji Kancelarije.

Pored toga, članom 4 Zakona o zaštiti lica koja prijavljuju korupciju propisano je da zaštićeno prijavljivanje može biti interno i eksterno, dok je članom 5 stavom (2) istog Zakona propisano da se interno prijavljivanje vrši na način uređen internim aktom organa javne uprave i institucije, javnog preduzeća, ustanove i drugog pravnog lica koje je osnovao Distrikt, pravnog lica i preduzetnika. U skladu sa navedenim, Kancelarija je dana 10.01.2023. godine uputila obavještenje svim organima, institucijama i javnim preduzećima Brčko distrikta BiH da su dužni donijeti interni akt kojim će biti uređen način internog prijavljivanja. Svi organi, institucije i preduzeća Brčko distrikta BiH, postupili su po obavještenju Kancelarije, te su donijeli navedeni akt. Pojedini organi, institucije i javna preduzeća Brčko distrikta BiH, dostavljali su nacrt navedenog internog akta, na komentare, te je Kancelarija i dala komentare na iste.

REGISTAR ZAPOSLENIH I REGISTAR IMENOVANIH LICA U ORGANIMA JAVNE UPRAVE, INSTITUCIJAMA, JAVNIM PREDUZEĆIMA, USTANOVAMA, ZAVODIMA I FONDOVIMA BRČKO DISTRIKTA BiH

Kancelarija je dana 15.08.2022. godine preuzela obavezu vođenja Registra zaposlenih i Registra imenovanih lica u organima javne uprave, institucijama, javnim preduzećima, ustanovama, zavodima i fondovima Brčko distrikta BiH, odnosno unosa i obrade podataka u navedenim registrima na osnovu pisanih zahtjeva organa javne uprave, institucija, javnih preduzeća, ustanova, zavoda i fondova Brčko distrikta BiH. U izvještajnom periodu Kancelarija je kontinuirano vršila ažuriranje odnosno unos i obradu podataka u Registru zaposlenih i Registru imenovanih lica u organima javne uprave, institucijama, javnim preduzećima, ustanovama, zavodima i fondovima Brčko distrikta BiH na osnovu pisanih zahtjeva organa javne uprave, institucija, javnih preduzeća, ustanova, zavoda i fondova Brčko distrikta BiH. S obzirom da je Kancelarija u izvještajnom periodu dobila službenu web stranicu, navedeni Registri su dostupni na istoj.

PROCES IZRADA I USVAJANJA PLANOVA INTEGRITETA U ORGANIMA JAVNE UPRAVE I INSTITUCIJAMA BRČKO DISTRIKTA BiH

U skladu sa nadležnostima Kancelarije koje su propisane članom 9, tačkom i) Zakona o Kancelariji za prevenciju korupcije i koordinaciju aktivnosti na suzbijanju korupcije, u mjesecu januaru 2023. godine, svim institucijama u Brčko distriktu BiH dostavljena je Jedinствена metodologija i smjernice za izradu i sprovođenje planova integriteta u organima javne uprave i institucijama Brčko distrikta BiH radi postizanja ujednačene procedure izrade i donošenja planova integriteta u Brčko distriktu BiH.

Plan integriteta je interni antikoruptivni dokument preventivnog karaktera u kojem je sadržan skup mjera pravne i praktične prirode, a kojim se sprječavaju i otklanjaju mogućnosti za nastanak i razvoj različitih oblika korupcije, koruptivnog dejstva kao i drugih oblika nepravilnosti u radu organa javne uprave i institucija.

Kancelarija je izradila svoj plan integriteta koji je usvojen Odlukom o usvajanju i sprovođenju plana integriteta u Kancelariji za prevenciju korupcije i koordinaciju aktivnosti na suzbijanju korupcije u Brčko distriktu BiH, broj predmeta: 05-19-18/23, broj akta: 03/23 od 09.05.2023. godine.

Planom integriteta Kancelarije za prevenciju korupcije i koordinaciju aktivnosti na suzbijanju korupcije u Brčko distriktu BiH predviđene su 32 mjere za unaprjeđenje integriteta. U izvještajnom periodu Kancelarija je realizovala 5 aktivnosti iz Plana integriteta Kancelarije za prevenciju korupcije i koordinaciju aktivnosti na suzbijanju korupcije u Brčko distriktu BiH koje su neophodne za realizovanje mjera za unaprjeđenje integriteta i to: Izraditi nacrt Pravilnika o unutrašnjoj organizaciji Kancelarije za prevenciju korupcije i koordinaciju aktivnosti na suzbijanju korupcije; Donijeti Odluku o davanju ovlaštenja u odsustvu ovlaštene osobe za čuvanje i upotrebu pečata; Dostavljanje izrađenih i donesenih internih akata svim zaposlenim i imenovanim osobama u Kancelariji putem službenog email-a i oglasne table; Izraditi uputstvo i postaviti sanduče za anonimno prijavljivanje u Kancelariji; Izraditi i voditi baze podataka u vezi s predmetima Kancelarije.

U izvještajnom periodu, ukupno 16 organa javne uprave i institucija u Brčko distriktu BiH je donijelo Odluku o izradi plana integriteta, dok je 5 institucija izradilo plan integriteta prije donošenja Jedinственe metodologije i smjernica za izradu i sprovođenje planova integriteta u organima javne uprave i institucijama Brčko distrikta BiH, a iste su izradili u skladu sa državnim Smjernicama za izradu i sprovođenje planova integriteta.

Svi organi javne uprave i institucije Brčko distrikta BiH su dužni prije usvajanja plana integriteta tražiti stručno mišljenje od Kancelarije. Kancelarija svoje mišljenje zasniva na usklađenosti nacрта plana integriteta organa javne uprave i institucija Brčko distrikta BiH sa Jedinственom metodologijom i smjernicama za izradu i sprovođenje planova integriteta u organima javne uprave i institucijama Brčko distrikta BiH. Nakon pribavljenog stručnog mišljenja od Kancelarije, organi javne uprave i institucije Brčko distrikta BiH donose Odluku o usvajanju plana integriteta, te istu dostavljaju Kancelariji i Agenciji za prevenciju korupcije i koordinaciju borbe protiv korupcije.

U periodu od 01.01. do 30.06.2023. godine, Kancelarija je dala 8 mišljenja na izrađene planove integriteta organa javne uprave i institucija i zaprimila 6 Odluka o usvajanju plana integriteta organa javne uprave i institucija Brčko distrikta BiH.

SARADNJA S DOMAĆIM NAUČNIM I STRUČNIM ORGANIZACIJAMA, MEDIJIMA I NEVLADINIM ORGANIZACIJAMA PO PITANJU PREVENCIJE KORUPCIJE I KOORDINACIJE AKTIVNOSTI NA SUZBIJANJU KORUPCIJE, RAZVOJA EDUKACIJSKIH PROGRAMA U VEZI S PREVENCIJOM KORUPCIJE I BORBOM PROTIV KORUPCIJE

Dana 27.01.2023. godine, u prostorijama nevladine organizacije Transparency International BiH u Sarajevu zaposlenici Kancelarije održali su radni sastanak s predstavnicima Transparency International BiH na temu budućih zajedničkih aktivnosti i saradnji. Na sastanku je okvirno dogovorena saradnja u pogledu preuzimanja softverskog rješenja za transparentne liste čekanja u bolnici.

Odlukom, broj predmeta: 05-000986/22, broj akta: 01.1-1413EK-0005/23 od 15.02.2023. godine, imenovana je radna grupa za sprovođenje Strategije Bosne i Hercegovine za prevenciju i borbu protiv terorizma za period 2021-2026. godina za Brčko distrikt Bosne i Hercegovine. Zadatak radne grupe je bio da sačini tekst Akcionog plana za provođenje Strategije Bosne i Hercegovine za prevenciju i borbu protiv terorizma za period 2021-2026. godina za Brčko distrikt Bosne i Hercegovine, na osnovu usvojene Strategije Bosne i Hercegovine za prevenciju i borbu protiv terorizma za period 2021-2026. godina. Nakon četiri održana sastanka, radna grupa je izradila nacrt Odluke o usvajanju Akcionog plana Brčko distrikta Bosne i Hercegovine za sprovođenje Strategije Bosne i Hercegovine za prevenciju i borbu protiv terorizma (2021 - 2026) i Akcioni plan Brčko distrikta Bosne i Hercegovine za sprovođenje Strategije Bosne i Hercegovine za prevenciju i borbu protiv terorizma, te iste prosljedila u daljnju proceduru.

Zaposlenici Kancelarije su u organizaciji Američke ambasade u BiH učestvovali u radionici pod nazivom: „*Interaktivna radionica jačanje timskog duha kroz teoretske inpute i praktične vježbe*” koja je održana u periodu od 15.03-17.03.2023. godine.

Direktor Kancelarije je tokom marta mjeseca imao dvije posjete Sarajevu, gdje je prilikom prve posjete prisustvovao ceremoniji dodjele IKT opreme od strane Ambasadora SAD i Šefa Misije OSCE-a, dok je prilikom druge posjete prisustvovao strateškom sastanku antikorupcijskih timova/kancelarija, koji je organizovan od strane Ambasade SAD-a, preko Biroa za borbu protiv međunarodne trgovine narkoticima i provođenjem zakona (INL). Ambasada Sjedinjenih Američkih Država u Sarajevu putem Kancelarije za borbu protiv međunarodne trgovine narkoticima i poslovima provođenja zakona (INL) i Ministarstva vanjskih poslova SAD-a pokrenula je novu aktivnost koja će podržati rad organa za borbu protiv korupcije (ACB) u Bosni i Hercegovini.

Kroz ovu aktivnost okupljaju ACB-e u Zajednicu praktičnog djelovanja (CoP) koja će služiti kao sistem podrške ACB-ima za efikasno obavljanje njihovih zadataka. ACB i CoP razmotrit će primjenu različitih alata za borbu protiv korupcije i baviće se sektorskim pristupom. Pratiće mjerljivi napredak u sprovođenju politika i baviće se korišćenjem tehnološkog napretka.

Na poziv Misije OSCE-a u BiH, zaposlenici Kancelarije su učestvovali na radionici/obuci pod nazivom: „*Postupanje sa prijavama i podnescima za korupcijsko ponašanje i prikupljanje podataka, istraživanja i analize za uposlenike Kancelarije za prevenciju korupcije i koordinaciju aktivnosti na suzbijanju korupcije u Brčko distriktu*”. Na predmetnoj radionici/obuci predstavljena je najbolja praksa preventivnih organa u postupanju s prijavama i podnescima o korupcijskom ponašanju, identifikacija ključnih kriterijuma i izvora za sakupljanje podataka, istraživanja i analize. Takođe, polaznici radionice upoznati su sa strukturom budućih analiza, definisanju ključnih dijelova internog propisa drugih organa u postupanju s prijavama i podnescima Kancelarije, definisanju ključnih dijelova obrasca za prijavu korupcije i izradi registra istraživanja i analizama koje će se sprovoditi u okviru Kancelarije.

Na poziv Direkcije za evropske integracije BiH zaposlenici Kancelarije su učestvovali na obuci pod nazivom: „*Metode, načini i tehnike usklađivanja zakonodavstva*” koja je održana dana 22.03.2023. godine i 23.03.2023. godine u prostorijama “Omladinskog centra” u Brčkom. Na predmetnoj dvodnevnoj obuci, polaznici obuke su se upoznali o sljedećem: u uvodnom dijelu prava Evropske Unije, zakonima i drugim propisima tzv. EURO-LEX, institucionalnom okviru prava Evropske Unije, strukturi akata, analizi propisa tekovine Evropske Unije, instrumentima usklađivanja i ocjeni usklađenosti propisa s propisima Evropske Unije, te preuzimanju nacionalnih i evropskih pravnih akata radi harmonizovanja propisa. Pored navedenog, na poziv Direkcije za evropske integracije BiH zaposlenici Kancelarije su učestvovali i na obuci pod nazivom: “*Vještine izvještavanja za potrebe procesa evropskih integracija*” koja je održana 06.06.2023. godine u zgradi Policije Brčko distrikta BiH. Na predmetnoj jednodnevnoj obuci, polaznici obuke su se upoznali s ulogom i značajem komunikacije u procesu evropskih integracija, izvještavanju u pisanoj formi, formi pisanog izvještavanja i usmenom izvještavanju u procesu evropskih integracija.

Zaposlenici Kancelarije su učestvovali i na Javnoj debati „*Pravo na pravdu!*“ koja je održana dana 05.06.2023. godine u Zgradi Parlamentarne skupštine Bosne i Hercegovine u Sarajevu. Organizatori Javne debate bili su Evropska unija u Bosni i Hercegovini u saradnji s Generalnom direkcijom Evropske komisije za susjedstvo i pregovore o proširenju (DG NEAR). Javna debata je okupila veliki broj predstavnika pravosudnih i javnih institucija, lokalnih vlasti, medija i aktivista iz civilnog sektora i bila je podijeljena u dva panela. U prvom panelu „*Integritet pravosudnog sistema, ključ za efikasnu borbu protiv korupcije i vraćanje povjerenja javnosti?*” vođena je debata na temu jačanja integriteta pravosudnog sistema u Bosni i Hercegovini i borbi protiv korupcije, dok je u drugom panelu „*Promocija i zaštita temeljnih sloboda – obveza za vlasti, uvjet za demokratsko društvo*” vođena debata na temu osiguranja zaštite temeljnih sloboda i mogućim rizicima od nazadovanja u pogledu slobode izražavanja i udruživanja.

Na poziv Misije OSCE-a u BiH zaposlenici Kancelarije su uzeli učešće u radionici pod nazivom „*Zaštita ličnih podataka – balansiranje između transparentnosti i zahtjeva antikorupcijskih mjera*” koja je održana u periodu od 07.06. do 08.06.2023. godine u hotelu “Ibis” u Sarajevu. Učesnici radionice su detaljno upoznati s međunarodnim instrumentima zaštite ličnih podataka, pravnim okvirom u Bosni i Hercegovini kojim je regulisana oblast zaštite ličnih podataka, te dobrim praksama na nivou Evropske unije. Takođe, učesnici radionice su razmjenili iskustva u ovoj oblasti s članovima drugih Kancelarija/timova za borbu protiv korupcije.

Na poziv Misije OSCE-a u BiH zaposlenici Kancelarije su uzeli učešće u radionici pod nazivom „Radionica za poboljšanje kapaciteta antikorupcijskih tijela u implementaciji Strategija komunikacije” koja je održana u periodu od 19.06. do 20.06.2023. godine u hotelu “Sunce” u Neumu. Učesnici radionice su razmjenili iskustva po pitanju realizacije Strategija komunikacije, odnosno o primjenjivosti, nedostacima i mogućnostima nadogradnje Strategija komunikacije. Takođe, učesnicima radionice su prezentirani besplatni alati/platforme koji omogućavaju lakše i ažurnije sprovođenje Strategija komunikacija

Na poziv UG “Demos” Brčko distrikt BiH, dana 29.06.2023. godine, u prostorijama “Omladinskog centra” u Brčkom, zaposlenici Kancelarije prisustvovali su Javnoj tribini pod nazivom „Ne korupciji u zapošljavanju u Brčko distriktu BiH”, a zaposlenica Kancelarije je u svojstvu učesnika u predavanju je na pomenutoj Javnoj tribini predstavila Kancelariju, te djelokrug rada i unutrašnju organizaciju Kancelarije.

Kancelarija je dana 08.05.2023. godine potpisala Memorandum o saradnji sa Omladinskim centrom “Vermont” Brčko distrikt BiH, s ciljem zajedničkog rada na jačanju saradnje, promovisanju dobrih praksi, te realizovanju strateškog cilja „Razvijanje svijesti o štetnosti korupcije i saradnji sa civilnim društvom” iz Strategije za borbu protiv korupcije u Brčko distriktu BiH 2022-2024. godina, kroz zajedničke projekte Omladinskog centra “Vermont” Brčko distrikt BiH i Kancelarije. Svrha predmetnog Memoranduma o saradnji je jačanje saradnje između Omladinskog centra „Vermont“ Brčko distrikt BiH i Kancelarije kako bi se proširili i razvili profesionalni odnosi, promovisala daljnja saradnja i napredak na svim pitanjima prevencije i suzbijanja korupcije, razvijanja svijesti o štetnosti korupcije i saradnje s civilnim sektorom, te koordinacijom, monitoringom i evaluacijom antikoruptivnih aktivnosti, razvojem tolerancije, promovisanju pozitivnih stilova života i poboljšanju položaja života na lokalnom nivou i zaštite, te informisanja o istom.

Broj predmeta: 05-19-39/23

Broj akta: 02/23

Datum: 07.12.2023. godine.



Direktor Kancelarije:

Zarko Cosić, dipl. iur. za
kriminalistiku i bezbjednost